



Samtök sveitarfélaga á höfuðborgarsvæðinu

**147. fundur svæðisskipulagsnefndar
var haldinn í Hamraborg 9, föstudaginn 14. ágúst 2026
og hófst hann kl. 13:30.**

Fundinn sátu:

Árni Rúnar Árnason, Birkir Ingibjartsson, Björg Fenger, Elís Guðmundsson, Eydís Inga Valsdóttir, Guðný María Jóhannsdóttir, Hjördís Ýr Johnson, Hjörtur Örn Arnarsson, Karólína Helga Símonardóttir, Kjartan Atli Kjartansson, Magnús Benediktsson, Magnús Ingi Kristmannsson, Sævar Birgisson, Ásdís Ólafsdóttir svæðisskipulagsstjóri og Jóhannes Bjarki Bjarkason starfsmaður SSH.

Fundargerð ritaði: Ásdís Ólafsdóttir, svæðisskipulagsstjóri

Ásdís Ólafsdóttir svæðisskipulagsstjóri setti fund.

Dagskrá:

1. Kosning formanns svæðisskipulagsnefndar - 2003003

Samkvæmt 2. gr. starfsreglna svæðisskipulagsnefndar kýs nefndin sér formann á fyrsta fundi svæðisskipulagsnefndar að loknum sveitarstjórnarkosningum.

Guðný María Jóhannsdóttir bauð sig fram til formanns.

Samþykkt samhljóða að Guðný María Jóhannsdóttir taki við formennsku nefndarinnar. Guðný María tók við fundarstjórn.

Karólína Helga Símonardóttir kom á fund kl. 13:37.

2. Kosning varaformanns svæðisskipulagsnefndar - 2003003

Samkvæmt 2. gr. starfsreglna svæðisskipulagsnefndar kýs nefndin sér varaformann á fyrsta fundi svæðisskipulagsnefndar að loknum sveitarstjórnarkosningum.

Guðný María Jóhannsdóttir lagði fram tillögu að Hjördís Ýr Johnson yrði varaformaður svæðisskipulagsnefndar.

Samþykkt samhljóða.

3. Kynning á fulltrúum svæðisskipulagsnefndar - 2003003

Fyrirliggjandi er listi yfir fulltrúa í svæðisskipulagsnefnd 2026 - 2030.

Listi yfir aðalmenn og varamenn í svæðisskipulagsnefnd lagður fram til kynningar. Fundarmenn kynntu sig.

4. Starfsáætlun 2026-2027 - 2003003

Fyrirliggjandi til samþykktar er tillaga að starfsáætlun svæðisskipulagsnefndar frá ágúst 2026 til loka júní 2027.



Samtök sveitarfélaga á höfuðborgarsvæðinu

Samþykkt samhljóða.

5. Kynning á SSH og svæðisskipulagi - 2003003

Kynning á starfsemi Samtaka sveitarfélaga á höfuðborgarsvæðinu (SSH), svæðisskipulagi og helstu verkefnum.

Svæðisskipulagsstjóri kynnti svæðisskipulag höfuðborgarsvæðisins, starfsemi SSH og helstu verkefni sem varða svæðisskipulagið.

6. Aðalskipulag Hafnarfjarðar 2025-2040 - umsögn svæðisskipulagsstjóra - 2312001

Svæðisskipulagsnefnd barst umsagnarbeiðni úr skipulagsgátt Skipulagsstofnunar dags. 7. maí 2026 vegna endurskoðaðs aðalskipulags Hafnarfjarðar 2025-2040.

Málið hefur verið tekið fyrir á fundum nefndarinnar á fyrri stigum þess. Ráðgjafi Hafnarfjarðar kom og kynnti vinnslutillögu nýs aðalskipulags fyrir nefndinni á 141. fundi hennar þann 7. nóvember 2025. Þá samþykkti nefndin umsögn vegna vinnslutillögu skipulagsins á 142. fundi þann 28. nóvember 2025.

Á 112. fundi svæðisskipulagsnefndar þann 9. desember 2022 var eftirfarandi verklagsregla samþykkt: Í sumarhléum nefndarinnar getur svæðisskipulagsstjóri skilað inn umsögnum við skipulagsáætlanir sem eru þá merktar „umsögn svæðisskipulagsstjóra“. Þær skulu lagðar fram til kynningar á fyrsta fundi nefndarinnar eftir sumarhlé.

Fyrirliggjandi til kynningar er umsögn svæðisskipulagsstjóra vegna erindisins dags. 6. júlí 2026.

Umsögnin var lögð fram til kynningar. Svæðisskipulagsstjóri fór yfir helstu atriði umsagnarinnar.

7. Áform um breytingar á skipulagslögum nr. 123/2010 - 2608004

Áformaðar eru breytingar á skipulagslögum nr. 123/2010.

Fyrirliggjandi er áformaskjal félags- og húsnæðismálaráðuneytisins sem er til kynningar í samráðsgátt stjórnvalda.

Svæðisskipulagsstjóra er falið að vinna umsögn í samræmi við umræður fundarins, vegna áforma félags- og húsnæðismálaráðuneytisins um breytingu á skipulagslögum og senda fundarmönnum til samþykktar í tölvupósti. Þá er svæðisskipulagsstjóra falið að senda samþykta umsögn nefndarinnar í samráðsgátt stjórnvalda.

Fleira ekki gert. Fundi slitið kl. 15:30.



Samtök sveitarfélaga á höfuðborgarsvæðinu